

Акафист святому праведному Павлу Таганрогскому

Кондак 1

Избранный чудотворче и угóднице Христóв, путí неблázненного ко спасéнию óбраз подаваяй и дýха теплотою мíра хлад согреваяй, благодарно воспеваем ти, óтче Пáвле; ты же, имéяй вéлие дерзновéние ко Гóсподу, от всякия скóрби свободí вероу зовúщих ти: Рáдуйся, святы́й праведный Пáвле, предíвный чудотворче!

Икос 1

А́нгелом уподóбитися возжелéвый, на земли́ живы́й, богомúдре Пáвле, от юности твоея́ красная мíра сегó отвéргл еси́; Христа́ ради́ земная́ расточíвый, небéсная преумножил еси́. Тёмже ны́не слы́шиши от всех похвалу́ сицеву́ю:

Рáдуйся, вéтве благоплóднаго дрéва земна́го;
ра́дуйся, сонаслédнице Цáрствия Небéснаго.
Рáдуйся, путí тéснаго ко спасéнию избрание;
ра́дуйся, неусы́пное благодати́ стяжание.
Рáдуйся, евангелскаго жити́я óбраз явívый;
ра́дуйся, прéлесть мíра тем обличívый.
Рáдуйся, фимиáме чистоты́ благоухáнный;
ра́дуйся, свéтом Бóжия любвé осия́нный.
Рáдуйся, утешéние людéй благочестívых;
ра́дуйся, похвалó иереев боголюбívых.
Рáдуйся, молíтвы непрестáнное дéлание;
ра́дуйся, молéний скóрое услы́шание.
Рáдуйся, святы́й праведный Пáвле, предíвный чудотворче!

Кондак 2

Вíдевый ре́вность твою́ о спасéнии души́, боголюбéзне Пáвле, родíтель твой, прóмыслу Бóжию внем, отпусти́ ты на стезí странничества, благословéние ти препода́в; ты же, о гóрнем помышляя, вь́ну ко Гóсподу зывáл еси́: Аллилу́иа!

Икос 2

Разумéние богоразумное достоя́ние твоé бысть, блаженне Пáвле, я́ко дом óтчий оста́вил еси́, Цáрствия Небéснаго взыску́я, и поко́й телéсный презрéв, в простоту́ и нестяжание облéкся еси́; лю́дие же вернии, тщáние твоé зряще, во умилéнии пою́т ти:

Рáдуйся, по́чести мíра ни во чтóже вменívый;
ра́дуйся, странническое житиé возлюбívый.

Ра́дуйся, о смиренномúдри ради́ение;
ра́дуйся, в моли́твенном по́двиге поспеше́ние.
Ра́дуйся, рабо́м свои́м свобо́ду дарова́вый;
ра́дуйся, себе́ раба́ ве́рна Бо́гу сотвори́вый.
Ра́дуйся, поста́ радостное несéние;
ра́дуйся, поко́я тленнаго отверже́ние.
Ра́дуйся, сýетнаго бога́тства отврати́выйся;
ра́дуйся, да́ры духо́вными обогати́выйся.
Ра́дуйся, и́стиннаго богопозна́ния обрете́ние;
ра́дуйся, Про́мысла Господня явле́ние.
Ра́дуйся, святы́й пра́ведный Па́вле, предивный чудотво́рче!

Кондак 3

Си́лою благода́ти свѣше укрепля́емь, по́двиг пра́веднаго жити́я все́му ми́ру явил еси́, трудо́м Божий, в трезвении же и моли́тве дни и но́щи пребыва́я, стрóгостию воздержáния плоть умертвил еси́, якоже и А́нгелом дивитися крѣпости тво́ей, воспева́ющим Творцу́: Аллилу́иа!

Икос 3

Име́я ве́ру непосты́дную и любóвь нелицеме́рную ко Го́споду, смиренномúдре Па́вле, ве́лиих дарова́ний от Него́ удосто́ился еси́, во е́же наставля́ти заблúждшия на стези́ спасе́ния, глаго́лющим ти:

Ра́дуйся, избра́нниче Небес преудóбранный;
ра́дуйся, сосúде, Свята́го Ду́ха исполненный.
Ра́дуйся, та́йны душ челове́ческих прозрева́й;
ра́дуйся, судьбы́ Божии лю́дем открыва́й.
Ра́дуйся, оплоте́ благоче́стия, Про́мыслом Божиим ми́ру явленны́й;
ра́дуйся, свети́льниче, Го́споду возжже́нный.
Ра́дуйся, ве́ру в немощны́х укрепля́й;
ра́дуйся, вра́жия наве́ты разруша́й.
Ра́дуйся, неради́вых пока́йнное пробужде́ние;
ра́дуйся, нечу́вствием окамене́нных умиле́ние.
Ра́дуйся, вино́ цельбоно́сное, ра́ны омыва́ющее;
ра́дуйся, ми́ро чудотво́рное, сердца́ исцеля́ющее.
Ра́дуйся, святы́й пра́ведный Па́вле, предивный чудотво́рче!

Кондак 4

Бу́рею скорбе́й потопля́ем и в грехóвную печа́ль погружа́ем, с наде́ждою зри́аем на тя, святы́й ко́рмчий, яко моли́твою не́когда мо́ря волне́ние укроти́вшаго; те́мже и ны́не ко бре́гу спасе́ния тобо́ю направля́ем, с благода́рностию вопие́м Бо́гови: Аллилу́иа!

Икос 4

Слы́шаще о благомо́щи твоём, вси тружда́ющиися и обременённые притека́ют к тебё, уго́днице Христо́в, зане́ воистину́ подаёт Госпо́дь моли́твами твоими́ поко́й и ра́дование всем, та́ко велича́ющим тя:

Ра́дуйся, в ско́рби ра́дости пода́ние;
ра́дуйся, во отча́янии луче́ спасёния.
Ра́дуйся, благопристу́пный утёшителю;
ра́дуйся, неисто́щмый ми́лости пода́телю.
Ра́дуйся, ча́д надёжное сохрани́ение;
ра́дуйся, недуго́в их во здра́вие преложе́ние.
Ра́дуйся, роди́тельския слёзы осуша́яй;
ра́дуйся, упова́нию на Го́спода науча́яй.
Ра́дуйся, укроше́ние стихии́ страсте́й;
ра́дуйся, разсе́яние мглы́ напа́стей.
Ра́дуйся, лампа́до неугаси́мая добродёлания;
ра́дуйся, свеще́ присногоря́щая милосе́рдия.
Ра́дуйся, святы́й пра́ведный Па́вле, предивный чудотво́рче!

Кондак 5

Богосвещённый ра́зум стяжа́в, любому́дре Па́вле, о спасёнии бли́жних раде́л еси́ и, труды́ человеколю́бия неосла́бне творя́, тех науча́л еси́ возноси́ти хвалу́ Бо́гу: Аллилу́иа!

Икос 5

Ви́дяще по́двиги тво́я, душеве́дче Па́вле, не́кий тщесла́вный челове́к с надме́нием дерза́ше подража́ти тебё; оба́че ты, вну́тренняя прозрева́я, ве́тхому́ ме́ху то́го уподо́бил еси́. Помози́ и нам, свя́те, тщесла́вие побежда́ти и се́тей вра́жиих избега́ти, вопию́щим тако́вая:

Ра́дуйся, ве́ры богоизбра́нный учи́телю;
ра́дуйся, усе́рдия самочи́ннаго обли́чителю.
Ра́дуйся, прельщённых нело́жное вразумле́ние;
ра́дуйся, го́рдости умовре́дныя посрамле́ние.
Ра́дуйся, ста́рче, сокрове́нная устро́яй;
Ра́дуйся, о́тче, в послуша́нии ча́д твои́х наста́вляяй.
Ра́дуйся, я́ко всему́дренне ду́ши врачу́еши;
ра́дуйся, я́ко смире́ния о́браз показу́еши.
Ра́дуйся, пло́дов духо́вных умноже́ние;
ра́дуйся, пра́веднаго жити́я зна́мение.
Ра́дуйся, кро́тости Христо́вой уподо́бле́ние;
ра́дуйся, земли́ блаже́нных насле́дование.
Ра́дуйся, святы́й пра́ведный Па́вле, предивный чудотво́рче!

Кондак 6

Проповѣдуя житиём твоим свет Евангелия во тьме греховней пребывающим, верный рабе Божий, на распутьих призывал еси на пир брачный нищия и бедныя, слепыя и хромыя, да возвеличат имя Господне, немолчно поюще: Аллилуиа!

Икос 6

Возсиянием риз твоих, досточудне Павле, яко световиден столп явля ты Господь людем Своим, дивящимся снitiю свыше на тебе благодати и славящим тя:

Ра́дуйся, любóвию О́тчею осиянный;
ра́дуйся, дары́ Свята́го Ду́ха сниска́вый.
Ра́дуйся, и́мя Христо́во непреста́нно помина́вый;
ра́дуйся, Стра́сти Его́ благоговéнно почита́вый.
Ра́дуйся, слúжбы Бóжия ревни́телю;
ра́дуйся, благоле́пия хра́мов попечíteлю.
Ра́дуйся, ве́рности Пресвяте́й Тро́ице горéние;
ра́дуйся, при́сное па́мятование о спасéнии.
Ра́дуйся, сердца́ яко лампа́ды возжигáвый;
ра́дуйся, в ду́се любвѣ насле́дие воспита́вый.
Ра́дуйся, скрижа́ле, Творце́м начертáнная;
ра́дуйся, бронé правды, во бра́ни испытáнная.
Ра́дуйся, святы́й праведный Пáвле, предивный чудотворче!

Кондак 7

Не хотя́ утайти безвѣстная и тайная премудрости Божия, дивный старче, священнойноку единому предрекль еси служение велие во граде Иерусалимсте; внемгда же видети тому свершение пророчества, хвалу́ Вышнему вознесé: Аллилуиа!

Икос 7

Новозавѣтнаго откровения приятелище и заповедей Господних усердный исполнитель, Христа́ всем сердцем возлюбил еси, подобне и искренняго своего́ до конца́; сего́ ради ныне слышиши благодарное пение:

Ра́дуйся, блаже́нство евангельское избравый;
ра́дуйся, наслажде́ние тле́нное попра́вый.
Ра́дуйся, оде́яние смире́ния боготка́нное;
ра́дуйся, ковче́же ми́лости Божéственныя.
Ра́дуйся, тала́нты земны́я умно́живый;
ра́дуйся, сокрови́ща небéсная собра́вый.

Ра́дуйся, озаре́ние свѣше прие́мый;
ра́дуйся, от избы́тка се́рдца бли́жнему подава́вый.
Ра́дуйся, водо́ю живо́ю ду́ши напо́яй;
ра́дуйся, ко Исто́чнику жи́зни обраща́й.
Ра́дуйся, со́ле земли́, ёю́же да осолѣ́мся;
ра́дуйся, свѣте ми́ру, ѣмже да просветѣ́мся.
Ра́дуйся, святы́й пра́ведный Па́вле, предѣ́вный чудотво́рче!

Кондак 8

Стра́нничеством дух укрепля́я, богоблаже́нне, пришле́ц на земли́
яви́лся еси́, к небе́сному же оте́честву устремля́ясь, о́браз ревновáния о
го́рнем показáл еси́ взыска́ющим Го́спода и вопи́ющим: Аллилу́иа!

Икос 8

Всем вся́ был еси́, о́тче Па́вле, собира́я о́вцы под кров твой и путь
спаса́ния сим указу́я, ста́рца тя нарица́ющим и глаго́лющим ти:

Ра́дуйся, Спа́су Христу́ послужѣ́вый;
ра́дуйся, па́ству Егó соблюды́й.
Ра́дуйся, ка́ющихся и заблуждших окормлѣ́ние;
ра́дуйся, о Бо́же странствующих попече́ние.
Ра́дуйся, свѣтом ду́ха омраче́нныя озаря́й;
ра́дуйся, по́мощию многочу́дною тех осеня́й.
Ра́дуйся, изсо́хших душ любви́ю ороше́ние;
ра́дуйся, в сих благода́рности Созда́телю взра́щение.
Ра́дуйся, оти́шие надёжное стра́ждущих;
ра́дуйся, насыще́ние алчу́щих и жа́ждущих.
Ра́дуйся, двóре, от стужа́ющих укрыва́й;
ра́дуйся, ста́рче, во обите́ли Отца́ Небе́снаго приводя́й.
Ра́дуйся, святы́й пра́ведный Па́вле, предѣ́вный чудотво́рче!

Кондак 9

Вся́ким глаго́лом, исходя́щим из уст Бо́жиих, пра́ведне Па́вле,
живы́й, неустан́ный проповѣ́дник прича́стия Святы́х Та́ин яви́лся еси́, о
еди́нем Хлѣбе Небе́снем всех, приходи́ющих к тебѣ́, пещѣ́ся наставля́я и
поуча́я Бо́гу воспева́ти: Аллилу́иа!

Икос 9

Ветѣ́йство суесло́вное презре́в, честны́й Па́вле, му́дрость
евáнгельския простоты́ избра́л еси́, науча́я чи́стым се́рдцем сла́вити
Го́спода. Те́мже зыва́ем ти:

Ра́дуйся, у́мныя моли́твы де́лателью;
ра́дуйся, пока́яния возвестѣ́телю.

Ра́дуйся, нищету́ духо́вную стяжа́вый;
ра́дуйся, помышле́ния тво́я горé воздви́завый.
Ра́дуйся, в Бо́жих свидéниях наставле́ние;
ра́дуйся, из се́тей безвéрия избавле́ние.
Ра́дуйся, я́ко любéзне с крóтками бесéдовал еси;
ра́дуйся, я́ко ро́пщущих премúдро увещава́л еси́.
Ра́дуйся, гордели́ваго разжéния уга́шение;
ра́дуйся, хла́дных серде́ц възгре́яние.
Ра́дуйся, мре́же, Христу́ челове́ков уловля́ющая;
ра́дуйся, землé, се́мя до́брое прозяба́ющая.
Ра́дуйся, святы́й пра́ведный Па́вле, предивный чудотво́рче!

Кондак 10

Спасéния хотя́ коемúждо, милосéрдне Па́вле, бли́жних к покая́нию призыва́л еси́; дéнно и но́чно о сих моли́твы со слеза́ми возно́ся, непреста́нно вопия́л еси́ к Бо́гу: Аллилу́иа!

Икос 10

Стéны ка́менныя темни́цы не возбрани́ша любви́ твоéй к заключéнным досты́гнути, я́бо ра́ди Христа́ мило́сть сию́ творил еси́, заточéнных печальни́че, а́лчущих пита́я, жа́ждущих напо́яя, наги́х одева́я. Тёмже приими́ от нас славосло́вие сицевóе:

Ра́дуйся, десни́це щедро́т неоскудева́ющая;
ра́дуйся, руко́, из пучи́ны бед извлека́ющая.
Ра́дуйся, призре́ние ни́щих и оби́димых;
ра́дуйся, пристáнище т́хое томимых.
Ра́дуйся, слéзных прошéний благоприя́тие;
ра́дуйся, сокровéнным воздыхáнием вня́тие.
Ра́дуйся, я́ко рыда́ющих на пёрси приéмлеши;
ра́дуйся, я́ко немощн́х на рамена́ поды́млеши.
Ра́дуйся, вся́кия тесноты́ разрешите́лю;
ра́дуйся, во обстоя́ниях сýщих изба́вителю.
Ра́дуйся, несокруши́мый наш заступни́че;
ра́дуйся, добропобéдный миротво́рче.
Ра́дуйся, святы́й пра́ведный Па́вле, предивный чудотво́рче!

Кондак 11

Пе́ние радостне творя́ще, святии́ Ангели вознесóша на не́бо ду́шу твою́, пра́ведни́че Па́вле, да увéдят тя избрáнника Бо́жия вси сумня́щиеся, и прозрэ́вше возопи́ют Вседержите́лю: Аллилу́иа!

Икос 11

Светозарением со́лнца сликовству́ет небéсная Цёрковь Цёркви земно́й о пренесéнии честныхъ мощѣй твоихъ, святы́й Пáвле, и прославляюще просла́вльшаго тя Бо́га, воспева́ют ти А́нгели и челове́цы:

Ра́дуйся, звездó, на твёрди церкóвней явлéнная;
ра́дуйся, свéтом Со́лнца правды Христа́ озарéнный.
Ра́дуйся, яко в тебé благодáть Бóжия яви́ся;
ра́дуйся, яко ликъ святыхъ и́менем твоимъ украси́ся.
Ра́дуйся, Небéсныя Трапéзы причáстниче;
ра́дуйся, на землѣ оста́вльшихся печáльниче.
Ра́дуйся, гра́да при мóри покрови́телю;
ра́дуйся, Гра́да Небéснаго жителю.
Ра́дуйся, пла́чущим обетовáнное утешéние;
ра́дуйся, сéтования в рáдость претворéние.
Ра́дуйся, надéждо, прошéния предвара́ющая;
ра́дуйся, упováние, тьму уны́ния разгоня́ющее.
Ра́дуйся, святы́й праведный Пáвле, предивный чудотвóрче!

Кондак 12

Благодáтныя пóмощи кладязь неизсяка́емый ты еси́, святы́й Пáвле, животворя́щую бо твою́ к нам любóвь и по успéнии твоёмъ явля́еши, неустанно моля́ся о нас пред Престо́лом Господним, да попечéнием таковымъ в вéре укрепля́еми, Бо́гу непрестáнно сла́ву возсыла́ем: Аллилу́иа!

Икос 12

Поёмъ многосла́вимыя пóдвиги тво́я, земный́ а́нгеле, поели́ку чудеса́ тво́я умно́жишася зело́, и, ублажа́юще тебé яко многомóщнаго о нас предста́теля, восхваля́ем тя:

Ра́дуйся, умирéния обильный исто́чниче;
ра́дуйся, благоуветливый в ско́рбех помóщниче.
Ра́дуйся, духо́вных болéзней исцелéние;
ра́дуйся, телéсных недúгов врачевáние.
Ра́дуйся, сосúде ел́ея освящённаго;
ра́дуйся, пше́нице чистая, благословéнная.
Ра́дуйся, цвёте целомúдрия богорóсный;
ра́дуйся, дре́во добродéтелей плодоно́сное.
Ра́дуйся, отча́янных крéпкое надéяние;
ра́дуйся, путéй неправедныхъ исправлéние.
Ра́дуйся, неосла́бное о ча́дах твоихъ предстáние;
ра́дуйся, Го́спода вёрное достоя́ние.
Ра́дуйся, святы́й праведный Пáвле, предивный чудотвóрче!

Кондак 13

О, чудотворче предивный и преславный, святы́й пра́ведный Па́вле! Ны́нешнее на́ше прие́м приноше́ние, не оста́ви нас, в не́мощех и нестро́енных су́щих, грехи́ мно́гими обре́менённых, бу́ди нам помо́щник необори́мый, моли́твенник дерзнове́нный и ходата́й усердны́й, на Стра́шнем же суди́щи Христо́ве испроси́ нам удела́ избра́нных, да сподо́бимся с тобо́ю воспева́ти Бо́гу: Аллилу́иа!

Молитва утверждена Священным Синодом (16 апреля 2016 года, журнал №15).